



## EKSTERNA MATURA – INFORMACIJA ZA WEB

*Dragi učenici,  
cijenjeni roditelji,*

polako se približava završetak jednog važnog ciklusa u vašim mladim životima, a to je kraj osnovnoškolskog obrazovanja.

S obzirom da je ostalo još samo nekoliko dana vašeg zajedničkog druženja u školskim učionicama u kojima ste boravili devet godina, trpili različite „strahove“ hoće li vas nastavnik prozvati ili neće, koju ćete ocjenu dobiti iz kontrolnog rada, hoćete li imati zaključene sve ocjene onako kako ste vi planirali i još bezbroj sličnih stvari, želimo vam pružiti dodatne informacije u vezi sa polaganjem eksterne mature.

Da, još je preostala samo „ta“ eksterna matura o kojoj ste toliko slušali tokom ove godine, ali i prošle godine, od svojih roditelja, nastavnika, pa i nas zaposlenih u Ministarstvu za obrazovanje, nauku i mlade, koji žele da matura bude uspješno provedena i da osvojite veliki broj bodova iz svakog testa.

Dakle, dajemo na pažnju vama, ali naravno i vašim zabrinutim roditeljima, koji razmišljaju gotovo svakodnevno kako će sve to proteći, da li ste se dovoljno pripremili, hoćete li zaboraviti da ponesete olovku kojom ćete popunjavati testove i sl., raspored polaganja za svaki predmet:

**16.06.2014. godine** - Bosanski, hrvatski, srpski jezik i književnost, sa početkom u 10,00 sati;

- Fizika, sa početkom u 12,00 sati.

**2. 17.06.2014. godine** – Matematika, sa početkom u 09,00 sati;

- Historija/Povijest, sa početkom u 11,00 sati;

- Geografija/Zemljopis, sa početkom u 13,00 sati

- Informatika, sa početkom u 14,00 sati.

**3. 18 .06.2014. godine** – prvi strani jezik, sa početkom u 09,00 sati;

- Biologija, sa početkom u 11,00 sati;

- Hemija/Kemija, sa početkom u 13,00 sati.

